



SAOGALEMU AUALA



SAOGALEMU TAAVALE AFI



SAOGALEMU AVE TAAVALE



SAOGALEMU LE MAMALU FEAFIOA'I

Fuafuaga Aoaotetele mo le Saogalemu i luga o Auala mo Samoa

2011 - 2020



IA SAOGALEMU SAMOA



**Fuafuaga Aoaotetele mo le Saogalemu i luga o Auala mo Samoa mo le
2011 - 2020**

Lomiga 2.0

Setema 2015

Mo ni isi faamatalaga, fesootai mai mo:

FAILAUTUSI – Komiti o le Saogalemu i luga o Auala
Matagaluega o Galuega, Felauaiga ma Atinae Eseeese
T: (+685) 22500 E: info@mwti.gov.ws W: www.mwti.gov.ws


Po o

FAILAUTUSI – Soa-komiti o le Saogalemu i luga o Auala
Pulega o Felauaiga I le Laualeele
T: (+685) 26740 E: info@lta.gov.ws W: www.lta.gov.ws

Faasologa o Mataupu

Saunoaga Autu a le Taitaifono	1
Aotelega	3
Sui o le Komiti o le Saogalemu i luga o Auala	4
Matafaioi Autu a le Komiti o le Saogalemu i luga o Auala	5
Galuega Tauave a le Komiti o le Saogalemu i luga o Auala	6
Sini Autu o le Fuafuaga	7
Matafaioi Patino a Paaga Taitasi	7
SAOGALEMU AUALA	8
SAOGALEMU TAAVALE AFI	9
SAOGALEMU AVE TAAVALE	11
FESOASOANI TUUINA ATU PE A MAEA SE FAALAVELAVE TAU TAAVALE .	14
FAAMAUMAUGA TATAU MO FAATINOGA	15
FAAMALOSIA O TULAFONO	16
AMANAIA MANAOGA FAAPITOA MA TAGATA MATUTUA	18
Faatupeina o Tiute ma Matafaioi Patino	19
Upu Aualofa	20
Faapipii 1:.....	21
Faamatalaga o le Faapuupuuga o Igoa	21

Saunoaga Autu a le Taitaifono



O lenei Fuafuaga Aoao Tetele mo le Saogalemu i luga o Auala mo le piriota 2011 – 2020 sa tapenaina e tusa ai ma alafua ua faataatitia mai e Malō Afaatasi i sana i’ugafono e uunaia ai Malō uma o atunuu tuto’atasi o le lalolagi ina ia tūtū faatasi e foia ma tu’uitiitia faalavelave tau taavale o lo o aafia ai le lalolagi atoa. O lenei i’ugafono sa talia aloaia e le Malō

Tuto’atasi o Samoa ma tuuina atu ai se maliega ina ia tūtū faatasi ma isi malo tutoatasi o le lalolagi e tapenaina ma faataatitia ni fuafuaga aoatotetele e siitia ai ma faalauiloa le faatauaina o le saogalemu i luga o auala. O lenei la Fuafuaga ua tapenaina i le talitonuga ma le naunautaiga ina ia tuuitiitia faalavelave i luga o auala e pei ona faamauina i Samoa i se fuainumera e 10 mai i le 10,000 taavale agai atu i le 5 mai i le 10,000 taavale e aafia pe a paia le tausaga 2020 aemaise ai o le naunautaiga ina ia tuuitiitia i le 4% faalavelave e mafua ma i le lē saogalemu o luga o auala i tausaga taitasi.

O lenei Fuafuaga Aoao tetele ua faataatia nei o se Taiala e autu iai Fuafuaga uma o galuega faatino mo pa’aga totino a le Komiti mo le Saogalemu i luga o Auala. Talu ai ona o le lomiga muamua lenei o lenei Fuafuaga o le ā matala ai pea lenei Ta’iala mo ni teuteuga ma ni suiga e toe lauliliu ai ni vaega ua tatau iai ni suiga aua le tulituliloaina pea o ni auala talafeagai ma ni metotia fou e fesoasoani i le foia o ni faafaiteuli ogaoga oloo lamatia ai le saogalemu i luga o auala aemaise o le faatinoina o matafaioi autu oloo ua faamauina i totonu o lenei Fuafuaga.

E ui lava o lenei Fuafuaga olo’o nafa tonu ma le Komiti Autu o Saogalemu i luga o Auala, Matagaluega, Faalapotopotoga ma Pisinisi Tumaoti a le Malo o Samoa o le a le tuua ai le matafaioi patino a le atunuu lautele ma tagatanuu uma o Samoa e amata mai i avetaavale, o pasese aemaise o le mamalu feafioa’i o le atunuu i le uunaia ma le ave o le faataua i le saogalemu i luga o auala i taimi uma ina ua ausia le sini autu o lenei Fuafuaga.

Faafetai,



Vaaelua Malu Nofo Vaaelua

FAILAUTUSI AOA O FELAUAI

TAITAIFONO – KOMITI MO LE SAOGALEMU I LUGA O AUALA

Aotelega

E tusa ai ma faamaumauga a le lalolagi i faalavelave tau taavale ma luga o le auala, ua faamauina ai le aofaiga e 1 le miliona le faitau aofai o tagata e maumau soifua i faalavelave tau taavale. O lo o iai le talitonuga e ono faatupulaia lenei numera i le 1.8 miliona i le tausaga 2020. A fua foi i nei faamaumauga, e tele atu soifua e maumau i tausaga taitasi e afua mai faalavelave tau taavale pe a faatusa atu i isi gasegase o lo o pepesi solo i le lalolagi ma e ua faamauina ai faalavelave tau taavale o se tasi lea o mafuaaga tupito ua vave muta ai le tele o soifua talavou i le lalolagi. Ona o lea tulaga, ua matua tele ai se aafiaga i falemai aemaise o auanaga faale-soifua maloloina i le lalolagi i le tele o tupe faaalu e faitau miliona ma miliona i tausaga taitasi i le tau foia o manuaga ma faalavelave tau taavale.

Ina ia tali atu la i lenei faaaitaui ua aafia ai le lalolagi atoa, sa mūa’i amatamea ai le Malō So’ofaatasi o Lusua i le taloina o se Fonotaga a Malō uma o le Lalolagi mo le Saogalemu i luga o Auala i le masina o Novema i le tausaga 2009. O lenei fonotaga tele sa auai uma atu i sui uma mai malo afaatasi o le lalolagi o i latou o lo o iai le tomai faapitoa i galuega tau i le saogaelmu i luga o auala aemaise o i latou e patino i vaega o le soifua maloloina, felauaiga, aoaoga ma leoleo. Sa valaaulia e lenei fonotaga le Komiti Faafoe a Malō Afaatasi o le Lalolagi ina ia tuuina mai se Maliega Autasi mo le uunaia ma le faatauaina e malo uma o le lalolagi o le Saogalemu i luga o Auala.

Sa talia aloaia e Malō Afaatasi o le lalolagi lenei Maliega Autasi ma avea ai lenei l’ugafono numera 64/255 i le masina o Mati 2010 ma mafuaaga na uunaia ai malo uma o le lalolagi ina ia tūtū faatasi e fuafua, fausia ma faatino ni galuega patino tau i le saogalemu i luga o auala e aofia ai vaega oloo puleaina tulaga tau saogalemu i luga o auala, fausia o galuega tetele mo felauaiga, vaega tau le faamautinoaina o le saogalemu o taavale afi, faatauaina o le faaaogaina o le auala, aoaoga tau i le saogalemu i luga o auala ma le faatauaina o togafitiga pe a maea ni faalavelave tau taavale ma luga o le auala mo le piriota 2011 – 2020.

O lea ua matua faatauaina ai ma avea ai lenei Taiala o se avanoa talafeauga e toe iloilo ai ma lauliliu ni auala talafeagai e ono tuutiitia ai aafiaga tau i le saogalemu i luga o auala aemaise ai o le tuufaatasia o se Taiala i sona tulaga aoatotele mo le atunuu lautele. O se vaega o lenei iloiloga o le pasia aloaia lea ma le faamauina aloaia o se lomiga muamua o le Fuafuaga fau faatasi a paaga talafeagai mo le isi sefulu tausaga.

Sui o le Komiti o le Saogalemu i luga o Auala

O sui usufono uma o le Komiti mo le saogalemu i luga o Auala e aofia ai sui mai Matagaluega a le Malo faapea ai ma Faalapotopotoga ma Pisinisi tumaoti a le Malo ua faamaonia ma tuuina aloaia mai i lalo o le faatagana a le Kanepeta:

1. Matagaluega o Galuega, Felauaiga ma Atinae Eseeese - Taitaifono;
2. Pulega o Felauaiga i le Laueleele – Taitaifono Soa-komiti;
3. Matagaluega o Leoleo;
4. Ofisa o le Loia Sili;
5. Matagaluega o le Soifua Maloloina;
6. Matagaluega o Aoga, Taaloga ma Aganuu;
7. Matagaluega o Tupe;
8. Matagaluega o Punaoa Faalenatura ma Siosiomaga;
9. Faalapotopotoga o Tau'i ma Faalavelave Tutupu Faafuasei;
10. Kamupani Suauu ma Penisini;
11. Faalapotopotoga o Tineimu ma Tau'i mo Faalavelave Tutupu Faafusei;
12. Faalapotopotoga o Pisinisi Tumaoti o Samoa.

Matafaioi Autu a le Komiti o le Saogalemu i luga o Auala

E tusa ai ma le Vaega 7(37) ma le Vaega 38 o le Tulafono o Pulega o Fela'uaiga i le Laueleele 2007, ua faamaioio mai ai matafaioi autu a le Komiti o le Saogalemu i luga o Auala e avea ma Vaega o le Matagaluega ma e mafai ona aofia ai sui auai o:

(a) le Pulega;

(e) le Matagaluega o Aoga Taaloga ma Aganuu;

(i) le Matagaluega o Galuega Tau Leoleo ma Falepuipui;

(o) le Faalapotopotoga o Tauai mo Faalavelave Faafuasei ua faavaeina i lalo o le Tulafono o Tauai mo Faalavelave Faafuasei 1989;

(u) Faalapotopotoga a le Au Faipisinisi;

(f) Faalapotopotoga talafeagai e le o i lalo o le Malō; ma

(g) so o se isi Matagaluega, Faalapotopotoga po o lala so'oupu e manatu le Minisia e talafeagai.

(2) O sui auai ua tofia i lalo o le faafuaiupu (1) e tatau ona

umia tofiga e tusa ai ma so o se aiaiga ma tu'utu'uga ua faamaonia e le Kapeneta.

(3) E tatau ona totogiina sui usufono tuto'atasi uma o le Komiti o le Saogalemu i Luga o Auala mai faaputugatupe a le Matagaluega ma e le aofia ai sui o Matagaluega a le Malo, o ia totogi ma alauni e faamaonia e le Kapeneta mai lea taimi i lea taimi mo sui auai o Komiti Faatino ma Komiti a le Malo.

Galuega Tauave a le Komiti o le Saogalemu i luga o Auala

1. E mafai e le Komiti o le Saogalemu i Luga o Auala ona:
 - (i) atia'e ma faamaonia polokalame tau aoaoga ma lapataiga o tagata lautele e faasino i mataupu tau le saogalemu i luga o auala;
 - (ii) faatagaina ni uluai fuafuaga aloaia e faatatau i le aoaoina o avetaavale ma le uunaia o faiga masani o le saogalemu e aveina ai taavale;
 - (iii) saili le lagolago mai Faalapotopotoga tumaoti, a le ototonu o Samoa po o isi atunuu, mo le faafoeina o polokalame mo le saogalemu i luga o auala ma le siitia o le iloa o tagata lautele e uiga i le saogalemu i luga o auala ma le faaaogaina faaeteete o magaala ma atinae eseese e felauaiga i le laueleele; ma
 - (iv) faia soo se isi gaoioiga po o le auai atu i so o se isi lava gaoioiga ua faamaonia e le Pulega po o le Minisita, po o e pei ona aiaia i so o se tulafono.
- (2) E tatau i le Komiti o le Saogalemu i Luga o Auala ona lipoti atu i le Pulega ma le Minisita a itiiti mai e faalua i tausaga taitasi uma e uiga i gaoioiga ma gaoioiga fuafuaina.
- (3) I le noatia ma fai fuafua i so o se faatonuga ua tuuina atu e le Komiti Faatino o Faatonu, e mafai e le Ofisa Sili o Pulega ona tofia tagata faigaluega ma isi punaoa a le Pulega e fesoasoani i le galuega a le Komiti o le Saogalemu i Luga o Auala, ma ia faatinoina polokalame ma uluai fuafuaga ua faamaonia.

Sini Autu o le Fuafuaga

O le Sini Autu o le Fuafuaga fau faatasi lenei a paaga totino uma o le saogalemu i luga o auala o le uunaia lea o le galulue faatasi ma le feoeoea'i o paaga uma i lona tulaga aoaotetele e faamalosia ai le maopoopoga o paaga uma e tutu faatasi ma galulue ina ia tuuitiitia le tele o faafitauli oloo afua ai le tele o faalavelave e aafia ai le saogalemu i luga o auala e alai le pulea tatau, mataituina lelei ma le saga faamalosia pea o taiala ma tulafono oloo limataitaiina ai galuega faasaogalemu i luga o auala i totonu o Samoa.

O lenei Fuafuaga ua fausia ma ua faaautu i ni vaega taua se valu e pei ona taua i lalo:

- i. la saogalemu auala;
- ii. la saogalemu taavale afi;
- iii. la saogalemu ave taavale;
- iv. Uunaia Aoaoga tau i le saogalemu i luga o Auala;
- v. Tali atu pe a maea se faalavelave;
- vi. Faamaumauga ma sailiiliga;
- vii. Faamalosia ma tulimataia tulafono ma taiala;
- viii. la mautinoa le iai o se avanoa i auala uma o felauaiga i le laueleele mo i latou e iai o latou manaoga faapitoa ma tagata matutua.

Matafaioi Patino a Paaga Taitasi

Ua faa oloo maioio ai ma faamanino matafaioi patino a sui taitasi o le Komiti mo le Saogalemu i luga o Auala. O le tuumatamagaina o nei tiute o se auala ina ia mafai ai ona manino ma patino tonu tiute o le sui lava ia ina ia sologa lelei le faatinoina ma ia mautinoa le faamalosia o matafaioi i ona itu uma.



Matafaioi Patino 1

SAOGALEMU AUALA

Sini Autu: Ia tuutiitia ma puipuia faalavelave e tulai mai i luga o auala e aofia ai ma auala fou e ala i le saogalemu ma le fausia lelei e konekarate ma tomai faainisinia.

Matafaioi	Fua Faatatau	Taimi Faatulagaina
Ia faatautaia ni asiasiga e siaki lelei ai le fausia o auala fou faatasi ai ma le siakiina o auala oloo iai ina ia mautinoa le saogalemu i vaega uma;	Aofaiga o Asiasiga sa faatautaia e siaki ai le lelei fausia ma le faatautaia o le fausia o auala;	2015-2018
Fausia ma tuufaatasia ni Fuafuaga e limataitaiina ai ma siitia le lelei o le faagasologa o le feoaiga o taavale afi ma le mautinoa ole saogalemu o le mamalu lautele feafioa'i;	Aofaiga o Lipoti tau asiasiga ma galuega matai' tu ua pasia ma faamauiina e le Komiti mo le saogalemu i luga o Auala ma le Komiti Faafoe o le Pulega o Felauaiga i le Laualeele;	Faaauau pea
Siitia ma faaleleia faailoilo uma ma maka i luga o le auala mo le saogalemu;	Siitia ma maea ona faaleleia faailoilo ma maka i luga o auala mo le saogalemu. Mae'a, pasia aloaia ma faatinoina i se tulaga talafeagai le Fuafuaga faataatia mo auala ma soo se magaala e uia e taavale afi	Faaauau pea
Ia tuliloaina vaega aupito i sili ona maaleale o le auala o lo o tulai mai ai pea faalavelave tau taavale ina ia mautinoa le saogalemu ma le lelei fausia e foia ai le toe tutupu mai ai o ni faalavelave i le atunuu atoa	Vaega aupito i sili ona maaleale o le auala ua maea toe faaleleia mo le saogalemu	Faaauau pea
Fausia ma faatinoina ni Fuafuaga mo Magaala uma e uia e taavale afi		

Tala Faatatau o le Tupe: \$25 miliona tala

Paaga Talafeagai: LTA & MWTI



Matafaioi Patino 2

SAOGALEMU TAAVALE AFI

Sini Autu: la siitia le saogalemu ma ia lava tapena taavale afi e ala i le faatautaia o asiasiga faaletulafono mo le mautinoa o le saogalemu i luga o auala

Matafaioi	Fua Faatatau	Taimi Faatulagai na
la faatautaia suesuega mo taavale fou uma faatoa lesitala mo le saogalemu;	Aofaiga o suesuega sa faatautaia mo taavale afi e le Pulega o Felauaiga i le Lalueleele	2015 - 2018 (faaaauu pea)
Faamaumau ma mataitu le aofiaga o taavale afi sa lesitala atu ua pasia suesuega maitaitu faaletulafonoina	Aofaiga o asiasiga faaletulafonoina faatautaia ma le aofaiga o taavale afi sa pasia lea suesuega;	
Faamauina mataitu ma aveesea le lesitala o taavale afi ua le toe gafatia le faaaogaina mo felauaiga i luga o auala uma a Samoa	Aofaiga o taavale afi ua faamauina le le toe gafatia ona faaaogaina mo felauaiga i luga o auala ma ua tatau ona aveesea le lesitala	
Faamauina mataitu ma aveesea le lesitala o taavale afi ua le toe gafatia le faaaogaina mo felauaiga i luga o auala uma a Samoa	Aofaiga o taavale afi ua faamauina le le tatau ona toe faaaogaina ma ua le gafatia mo felauaiga i luga o auala ua alagatatau ai ona aveesea le lesitala	
Faamalosia le aumaia ma le faatauina mai i fafo o taavale afi ua le toe aoga ma e le ausia aiaiga faale-tulafono a le Malo o Samoa mo le saogalemu o taavale afi	Aofaiga o taavale afi auina mai i totonu o Samoa e ausia le 12 tausaga ma luma mai talu ona faaaogaina	
Faamalosia ni taiala e aiaia ai le auina mai ma le faatauina mai fafo o taavale afi e i totonu o le 12 tausaga ma luma mai lona faaaogaina poo taavale fou faatoa maea ona fausia	Aofaiga o taavale afi auina mai i totonu o Samoa e ausia le 12 tausaga ma luma mai talu ona faaaogaina	

Matafaioi	Fua Faatatau	Taimi Faatulagai na
Siitia ma fausia ni taiala mo asiasiga ina ia mafai ai ona fausia se Polokalame mo Faamaumauga faatekenolosi tau Asiasiga	Ua maea ona fausia se System faapitoa mo asiasiga	
Fausia se Faigafaavae mo vaega o taavale e toe faaaogaina mo le faaleleia o taavale afi ina ia uunaia le saogalemu lautele mo taavale ma i latou e umia taavale.	Maea ona tapenaina ma faamalosia se Faiga faavae mo vaega o taavale toe faaaogaina	

Tala Faatatau o le Tupe: \$5 miliona tala
Paaga Talafeagai: LTA & MWTI



Matafaioi Patino 3

SAOGALEMU AVE TAAVALE

Sini Autu: la siitia le tomai. agavaa, poto masani ma le malamalamaaga o avetaavale e ala i le faatautaia lelei o aoaoga a ave taavale i se tulaga maualuga ma le maeaea lelei ma ia fausia se nofoaga tutotonu e aooina ai ma pasia le tomai faa-avaetaavale mo le saogalemu

Matafaioi	Fua Faatatau	Taimi Faatulagaina
la faatautaia ni suega a avetaavale ma faaaooaga e fua i lo latou silafia i tulafono uma tau taavale afi ma le saogalemu i luga o auala latou te mafai ai ona faafoeina taavale afi ua faatagaina mai e le Pulega o Felauaiga i le Lauelele	Aofaiga o avetaavale fou ua pasi mai i faaaooaga ma suega tau ave-taavale ma ua maua o latou laisene faaletulafonoina e faafoeina ai taavale afi	2015-2018 (faaaauu pea)
Sue ni auala e maua ai ni fesoasoani tau seleni e faatupe ai se fausia o se nofoaga tutotonu mo aoaoga tau avetaavale fou	Ua maea ona fausia ma ua faaaogaina le nofoaga tutotonu e faatautaia ai faaaooaga a avetaavale fou	
Faatautaia ni Faaaoaga tau i Amioga ma le faalogo a ave taavale	Aofaiga o Faaaoaga tau i Amioga ma le faalogo a ave taavale	



Tala Faatatau o le Tupe: \$5 miliona tala

Paaga Talafeagai: LTA & MWTI



Matafaioi Patino 4

FAALAUILOA MA AOAOGA MO LE SAOGALEMU

Sini Autu: la siitia le tomai ma le malamalamaaga o le tupulaga i le faaogaina o le auala ma le tausisia o le saogalemu e ala i aooga talafeagai e tauala i silapasi a le aoga

Matafaioi	Fua Faatatau	Taimi Faatulagaina
la aoaoina le Saogalemu i luga o Auala i le Silapasi a aoga	Aofaiga o vasega ua aoaoina ai le Silapasi o le Saogalemu i luga o Auala;	2015-2018 (faauau pea)
la faatautaia faaaooga faalauiloa mo le mamalu lautele o le atunuu ina ia talia gofie le faalamalamaina o le saosaoa faatulagaina i luga auala	Aofaiga o Polokalame Faaaooga sa faatautaia mo aoga uma i Samoa	
la siitia polokalame faalauiloa i luga o alaata ma alaleo eseese mo le fanau aoga aemaise o faasalalauga faalaua'itele tau i le saogalemu i luga o auala	Aofaiga o faaaooga faalauiloa mo le mamalu lautele o le atunuu mo le saosaoa faatulagaina i luga o auala	2015 – 2018 (faauau pea)
Faatautaia ni polokalame faalauiloa ma faatosina mo le mamalu lautele o le atunuu i nofoaga i taulaga ma nuu i tua	Aofaiga o Polokalame Faalauiloa ma faatosina mo le mamalu lautele o le atunuu i nofoaga i taulaga ma nuu i tua sa faatautaia	
la faatautaia ni faiga talafeagai e foia ai faafitauli i luga o auala e pei o le fausia o ni kolosi ma ni taulima mo tamaiti aoga e faamanatu ai pea le saogalemu i taimi uma	Aofaiga o kolosi ua maea ona fausia ma le aofaiga o taulima faalauiloa ua maea tufaina i tamaiti aoga	

Matafaioi	Fua Faatatau	Taimi Faatulagaina
<p>Faatautaia ni asiasiga i aoga aua polokalame faalauiloa tau i le saogalemu i luga o auala</p>	<p>Aofaiga o asiasiga ma polokalame faalauiloa sa faatautaia mo aoga</p>	



Tala Faatatau o le Tupe: \$5 miliona tala

Paaga Talafeagai: LTA, MWTI, MOP, MESC, MOH, FESA, ACC



Matafaioi Patino 5

FESOASOANI TUUINA ATU PE A MAEA SE FAALAVELAVE TAU TAAVALE

Sini Autu: la tuuina atu le fesoasoani muamua i le taimi tonu e tupu ai se faalavelave i luga o auala ao lei oo atu i le falemai mo le togafitia ina ia tuuitiitia se aafiaga o ni manuaga po o le fesoasoani foi ina ia faasaoina mai o le ola o se tasi ua aafia i le taimi muamua.

Matafaioi	Fua Faatatau	Taimi Faatulagaina
Tuuina atu i le taimi ua tupu ai se faalavelave le fesoasoani muamua mo i latou ua aafia	Aofaiga o faalavelave i luga o auala sa tuuina atu iai lenei fesoasoani muamua	2015-2018 (faaaaua pea)
Ia faatautaia ni faiga talafeagai e foia ai faafitauli i luga o auala e pei o le fausia o ni kolosi ma ni taulima mo tamaiti aoga e faamanatu ai pea le saogalemu i taimi uma	Aofaiga o i latou sa aafia i faalavelave i luga o auala sa tuuina atu iai le Fesoasoani Muamua ao lei oo atu i le falemai	
Nafa tonu ma i latou ua aafia i faalavelave i luga o auala ma e ua auina atu i le falemai	Aofaiga o i latou sa aafia i faalavelave i luga o auala ua manuia mai i taotoga ma e ua tea mai i le falemai;	
Siitia le tulaga tau i le tali atu ma le mataituina lelei o faalavelave i luga o auala tutupu faafuasei i ona vaega uma ina ia siitia ai le malupuipua o le soifua maloloina ma le faatinoina o auauanaga	Aofaiga o ni metotia ma ni faiga talafeagai ua faataatitia mo le siitia o le tulaga tau i le tali atu i faalavelave tutupu faafuasei i luga o auala ina ia mataituina ma pulea tatau i ona vaega uma	



Tala Faatautau o le Tupe: \$5 miliona tala

Paaga Talafeagai: MOP, MESC, MOH, NHS, SFESA, ACC

	2010				2009			
	District and Mount Lebanon	Bekaa	North	South	District and Mount Lebanon	Bekaa	North	South
January	581	44	143	84	512	41	128	86
February	492	58	122	69	388	52	155	83
March	562	49	147	90	498	38	139	87
April	613	79	142	115	567	54	150	112
May	606	77	193	127	497	69	188	100
June	847	68	167	154	554	61	202	128
July	595	75	218	173	729	81	214	143
August	629	111	213	182	760	91	233	175
September	541	63	196	179	598	107	193	133
October	313	100	172	98	306	80	148	88
November	423	54	140	116	441	42	144	61
December	457	56	103	99	499	58	149	84
Total	6679	834	1966	1486	6556	802	2321	1260

Matafaioi Patino 6

FAAMAUMAUGA TATAU MO FAATINOGA

Sini Autu: la iai se vaega tu totonu e tuulaupua ai ma malupuipua ai faamaumauga uma tau i le Saogalemu i luga o Auala mo le faasafuaina atu i ana paaga totino aemaise o le tuuina atu o le auunaga mo manaoga tau i faamaumauga

Matafaioi	Fua Faatatau	Taimi Faatulagaina
la iai se vaega tu totonu e tuulaupua ai ma malupuipua faamaumauga uma tau i le Saogalemu i luga o Auala	Fausia ma tuufaatasia se vaega tu totonu e tuulaupua ai ma malupuipua faamaumauga uma tau ile Saogalemu i luga o Auala	2015-2018 (faaaau pea)
Tuufaatasia ma faasafua atu faamaumauga uma ma faamatalaga tau i le Saogalemu i luga o auala mo paaga totino a le Komiti ina ia mautinoa ai le faatinoina, pulea tatauina ma mataituina o le saogalemu i luga o auala ina ia foia ai le mau fafitauli ma faalavelave i luga o auala	Aofaiga o talosaga sa faamalieina le tuuina atu o faamaumauga sao ma talafeagai i taimi faatulagaina	
Siitia ma faamalositia le faatautaia o polokalame faalauiloa tau Saogalemu i luga o auala e ala i Puletini Faalauiloa i Kuata taitasi	Aofaiga o Puletini faalekuata ua faasafua atu	
Tuufaatasia Lipoti Faaletausaga mo le sliafia o le atunuu ma paaga a le Komiti i galuega faatino	Aofaiga o Lipoti Faaletausaga ua tapenaina ma tuuina atu mo galuega faatino a le Komiti	

Tala Faatatau o le Tupe: \$1 miliona tala

Paaga Talafeagai: MWTI, LTA, MOP, MOH, NHS, ACC, SFESA



Matafaioi Patino 7

FAAMALOSIA O TULAFONO

Sini Autu: la faamalosia ma mataituina faaletulafono tulafono uma ma taiala tau i le saogalemu i luga o auala ina ia uunaia ai le tausisia o le saogalemu e le atunuu atoa

Matafaioi	Fua Faatatau	Taimi Faatulagaina
Faamalosia taiala uma ma tulafono tau le saogalemu i luga o auala ina ia uunaia ai pea le tausisia o nei tulafono i vaega uma o le atunuu	Aofaiga o i latou ua faamauina soligatulafono ma faasalaga i luga o auala ma ua molia	2015-2018 (faauau pea)
Toe iloiloina o tulafono ma taiala oloo iai ina saga faamalosia le saogalemu i luga o auala faatasi ai ma le tuuina atu o Faamatalaga o Moliaga ma faasalaga o taavale	Aofaiga o tulafono ma taiala tau i le saogalemu i luga o auala ua toe iloiloina faatasi ai ma le aofaiga o Faamatalaga o Moliaga ma faasalaga o taavale sa tuuina atu i luga o le auala	
Faamalosia Tulafono ma Taiala uma mo le saogalemu i luga o le Auala	Aofaiga o Poloka sa faatautaia i luga o le Auala faatasi ai ma asiasiga faafausei sa faatautaia mo le mataituina o tulaga uma tau i le saogalemu i luga o auala ma le aofaiga o Faamatalaga o Moliaga ma faasalaga o taavale sa tuuina atu.	
Faatutu ni faailoilo mo le saosaoa faatulagaina i luga o auala mo nofoaga i taulaga ma nuu i tua	Aofaiga o faailoilo mo le saosaoa faatulagaina i luga o auala ua faatutuina i magaala uma i le taulaga ma nuu i tua	

Matafaioi	Fua Faatatau	Taimi Faatulagaina
Faatauina ma faaaogaina se masini faapitoa e mataitu ai le saosasoa o taavale afi i luga o auala mo le faamalosia lava o le saogalemu	Ua faatauina ma faaaogaina se masini faapitoa e iloa ai le saosasoa o taavale afi i luga o auala	



Tala Faatatau o le Tupe: \$3 miliona tala

Paaga Talafeagai: MOP, LTA, MWTI



Matafaioi Patino 8

AMANAIA MANAOGA FAAPITOA MA TAGATA MATUTUA

Sini Autu: la faamalosia ma ia atoatoa faiga faavae ma tulafono talafeagai ina ia mautinoa le iai o se avanoa mo i latou e iai manaoga faapitoa i auala uma o felauaiga i le laueleele

Matafaioi	Fua Faatatau	Taimi Faatulagaina
Faamalosia faiga faavae mo pakaga o taavale mo i latou e iai o latou manaoga faapitoa i le atunuu atoa	Faamalosia faiga faavae mo i latou e iai o latou manaoga faapitoa	2015-2018 (faaaauu pea)
Fausia ni magaala faapitoa mo i latou e iai o latou manaoga faapitoa	Fausia ni magaala faapitoa e faaaogaina e i latou e iai o latou manaoga faapitoa	
Faatautaia ni Polokalame Faalauiloa mo tagata uma e iai o latou manaoga faapitoa ina ia mautinoa lo latou saogalemu pe a uia luga o auala	Aofaiga o Polokalame Faalauiloa mo i latou e iai o latou manaoga faapitoa e uiga i auala o le saogalemu e tatau ona uia i luga o auala	
Faatutuina ni Faailoilo mo i latou e iai o latou manaoga faapitoa i luga o magaala uma ina ia faafaigofie ma saogalemu lo latou femalagaiga	Faatutuina ni faailoilo mo i latou e iai o latou manaoga faapitoa i luga o auala	



Tala Faatatau o le Tupe: \$2 miliona tala

Paaga Talafeagai: LTA, MWTI, MOP, MOH, MNRE, ACC

Faatupeina o Tiute ma Matafaioi Patino

O le Matagaluega o Tupe a le Malo o Samoa o lo o nafa tonu lea ma le faatautaia ma le faasoasoina tatau o seleni mai i fesoasoani a paaga mai i fafo. O le tatalaina aloaia o le uluai kopi o lenei Fuafuaga sa faatupeina lea e le Pulega o Felauaiga i le Laueleele i lalo o ana vaegatupe faamatuu mai e le Malo mo ana atinae ma galuega fai. Peitai ane, o lo o iai lava matafaioi tupito oloo taumafai le Komiti mo le Saogalemu i luga o Auala e faasafua atu i ana paaga totino mo le faatupeina o lona faatinoga e pei o le Matagaluega o Punaoa Faalenatura ma Siosiomaga, Matagaluega o Aoga, Taaloga ma Aganuu, Matagaluega o Leoleo, Matagaluega o Soifua Maoloina ma isi ina ia faaaogaina iai a latou faamanuiaga tau seleni oloo maua mai i fesoasoani ma a latou faiga faapaaga ma isi atunuu ma faalapotopotoga mai i fafo. O nei faalapotopotoga mai i fafo e aofia ai le WHO po o le Faalapotopotoga mo le Soifua Maloloina o le Lalolagi faatasi ai ma le Poloketi mo Malosiaga Toe Faafouina oloo faatinoina e le Matagaluega o Punaoa Faalenatura ma Siosiomaga faatasi ai ma le Faletupe Tutotonu o le Lalolagi.

I se tau aofai faataitai e \$50 miliona tala (silasila i le pusa o lo o faamaioio ai matafaioi ma lona faatupeina) ua fuafuaina mo le faatinoina o tiute tupito ma matafaioi patino a paaga uma o le Komiti i totonu o le piriota 5 tausaga o le Fuafuaga, ua iai se manatu maualuga o le a maoa'e le lagolago ma le galulue faatasi ma Faalapotopotoga ma Pisinisi Tumaoti a le Malo e pei o le Kamupani Suau'u a Samoa, Faalapotopotoga o Tau'i ma Faalavelave Tutupu Faafuasei faatasi ai ma le Faalapotopotoga a le Auaipisinisi i le faatupeina ma le lagolagosua i le faatinoina o matafaioi ua faataoto mai i totonu o lenei Fuafuaga.

Upu Aualofa

O lenei Fuafuaga Aoaotetele ua tapenaina ma aualofa ai mo i latou ua maumau o latou soifua ona o faalavelave i luga o auala i Samoa aemaise o aiga ma uo o lo o tauamoina pea le pologa i le motusia ai o mafutaga ma aiga ma uo e pele ma mamae.

O le lomía ai foi o lenei lloiloga tele i le tausaga 2015 ua tamauína ai ma aloaia ai se faafetai faapitoa a le Komiti o le Saogalemu i luga o Auala i le Tofa ia Vaaelua Malu Nofo Vaaelua, o le sa seei mai i le tofiga o le Taitaifono o lenei Komiti talu ona faavae mai ma e ua malolo manumalo mai i lana tautua i le Malo o Samoa i le 43 tausaga talu ai. Ua faamalo le tau, malo ta’i i lau tofa mo galuega lelei sa e faia mo lenei Komiti i le uunaia ai o ana atinae ma polokalame faatino i soo se itu o le Itutino mo Atinae Tetele a le Malo o Samoa aua se Samoa saogalemu.



Faapipii 1:

Faamatalaga o le Faapuupuuga o Igoa

ACC	Faalapotopotoga o Tau'i mo Faalavelave Faafuasei (Accident Compensation Corporation)
LTA	Pulega o Felauaiga i le Laueleele (Land Transport Authority)
MESC	Matagaluega o Aoga, Taaloga ma Aganuu (Ministry of Education, Sports & Culture)
MNRE	Matagaluega o Punaoa faa le Natura ma le Siosiomaga (Ministry of Natural Resources & the Environment)
MOH	Matagaluega o le Soifua Maloloina (Ministry of Health)
MOP	Matagaluega o Leoleo (Ministry of Police)
MWTI	Matagaluega o Galuega, Felauaiga ma Atinae Eseeese
NHS	Auaunaga mo le Soifua Maloloina (National Health Service)
SFESA	Matagaluega o le Fuimu (Samoa Fire & Emergency Services)
WHO	Faalapotopotoga o le Soifua Maloloina I le Lalolagi (World Health Organisation)